

續脩商志卷之一

商州知州古晉王廷伊

續脩

已卯舉人郡人李本定

訂正

庠廩生

郡人李

庚如  
日棟

校閱

輿圖志

計七則  
形勝

沿革  
山川

古蹟  
附八景十觀

星野

疆域

天開地闢畫野分州或為玉帛之侯封或屬銅符之  
守宰今固堪紀古寧不留且分野上應星官錯壤遠  
交鄰邑控險扼要立國之雄圖礪山帶河建邦之末  
勢雖景物變遷每動滄桑之感而俛仰今昔寧無嗟

續脩商志

卷一

十三

芾之思敬考原委以備采風志輿圖

沿革

禹貢

梁州之域

周

為列侯屬晉楚申息之師戍此

春秋

三戶地

戰國

屬魏入於秦為商君鞅食邑六國平屬內史地

漢

為三輔畿內地置涼州部屬弘農郡領商上洛二

東漢

屬司隸部京兆尹

三國

屬魏

後漢 爲漢魏相爭之地

晉 屬雍州部初爲京兆南郡後置上洛郡領商上洛

二

後魏 因之領上洛拒陽二

西魏 屬渭南郡置洛州

後周 改上洛郡領商豐二又改商州州名始此

隋 屬司隸刺史部復置上洛郡領上洛商洛洛南豐

陽上津五

唐 初屬關內道復名商州領上洛上津洛南商洛豐

續脩商志

卷一

十四

陽五天寶初仍改上洛郡至德元年屬興平節度使乾

元初復爲商州屬山南道興元元年置金商節度使後

金商二州隸京畿

宋 屬東興軍路置商州領上洛上津洛南商南豐陽

五高宗時秦檜主和議割唐鄆商秦之地以畀金於鴨

嶺上設關爲界南屬宋止存上津豐陽北屬金

陽在邑東南爲  
適襄漢道

金 置秦監防禦使屬京兆府路商州領乾祐一

元 復爲商州屬安西路

明 洪武七年改商縣隸陝西西安府成化十三年盜  
王彪平撫治尚書原公傑議析商縣東為商南南為山  
陽陞商縣為州併洛南鎮安屬焉隸西安府  
按山商二縣今皆謂  
原公創設不知古有豐陽商南二縣金  
元廢廢明初未復原公特改建今城耳

皇清仍明制商州領洛南鎮安山陽商南四隸西安府

舊志曰按商略廣輪無考隋析盧氏唐析朱陽與河南  
明析上津與湖廣商屬四邑鎮安周秦漢俱為商州地  
洛南春秋上洛地山陽雍州地漢末置豐陽縣屬商州  
商南梁州之域漢為商縣地則四縣幅幘皆商境也  
續脩商志 卷一 十五  
洛權衛控制三省獨當要害故六郡舊為同華耀商乾  
邠今為商同華耀乾邠云

剛考按宋高宗紹興元年四月盜李忠陷商州五月忠  
降於張浚是年浚以吳玠為陝西諸路都統制時關隴  
六路盡陷於金吳玠復之後劉豫將董震以虢州來歸  
遂命震為商虢陝三州鎮撫使六年邵隆知商州經歷  
十年五月金撒離喝取永興軍陝西州縣皆降七月岳  
飛使張應會李興復之九月金復入西京十一年冬邵  
隆復商虢陝三州十二年八月秦檜以秦商之半畀金

三十一年十月王彥復商號孝宗隆興元年三月金紇  
石烈志寧來書求海泗唐鄧商州之地二年十二月金  
高景山取商州及金平宋理宗寶慶三年七月元自鳳  
翔侵京兆金人盡棄陝西併力守河南保潼關元至正  
末商州陷十六年八月奉元路判官王淵以義兵復商  
州十七年寇李武崔德陷商州元察罕帖木兒與李思  
齊復之由宋迄元二百餘年皆用武之地也明  
清間又屢陷屢復商誠歷世必爭之地哉鎖鑰之任顧  
可弛與

續脩商志

卷一

古蹟

倉頡爲黃帝南巡登陽虛之山臨玄扈之水今屬洛南  
闕伯高辛氏之子弟曰實沈不能容帝乃遷闕伯於商  
主商遷實沈於大夏主參

堯五十八年使后稷放子朱于丹水故曰丹朱一百年  
堯崩朱避舜于房陵舜讓不克遂封于房爲虞詹見竹  
書紀年

昭明虞司徒契子初居砥柱後復遷商見荀子

商塞史記秦孝公十一年城商塞

商顏額也漢武帝引洛水商顏下

商於由商至於六百里今內鄉有七於舖又有於村鎮

商密丹水縣西南有密陽鄉

雍商晉武帝泰始五年置以屬雍州部故名

商洛縣以境有商山洛水故名今商洛鎮

上洛縣竹書紀年周威烈九年楚伐我南鄙至於上洛是也

上洛郡晉置今商州

荊州秦涼符融遣符菁掠上洛於豐陽縣立荊州今山

續脩商志

卷一

十七

陽豐陽關

朱陽縣屬上洛唐割屬河南今朱陽川

陽亭縣州南有陽亭聚

丹水縣西漢名漢紀王陵起兵丹水應漢即此今山陽竹林關

南陽縣隋開業初入豐陽縣地今山陽

安業縣唐析豐陽地為安業縣後改乾元今鎮安

乾祐縣東漢名今鎮安野豬坪

曼川縣隋併入上津今山陽曼川關豐陽關地

上津縣隋置屬上洛郡明割屬湖廣今仍之

盧氏縣舊屬上洛隋割屬河南今仍之

脩陽左傳楚使王勝遷許於析卽脩陽史秦出武關取

十五城至於脩陽今河南內鄉淅川地舊屬秦卽古之

白羽唐詩白羽抵荆岑是也

三戶城丹水縣北有三戶亭竹書紀年壬寅縣河入三

戶卽楚人三戶亡秦卽此

順陽卽南鄉漢建業中割南鄉石壤爲南鄉郡晉改順

陽郡

續脩商志

卷一

十八

南鄉故城瀕丹水之陰係晉興寧末上洛太守王靡之

改築城北半據水中左右夾溪春夏水漲望若孤舟

鄭城末嘉中丹水浸沒末和中徙置南鄉故城

武關秦之南關昭王伏兵於此誘楚懷入執之不歸

少習卽武關左傳哀四年將適于少習杜預注曰少習

商縣東之武關

繒關州南二百里楚致方城之外於繒關

蒼野聚州南一百四十里左傳昭四年楚左師軍於蒼

野杜預注曰在商縣南

苑和山州東左傳哀四年楚司馬軍于苑和今資峪  
按古商於六百里建置沿革不一今多屬四縣皆統  
於商一覽而得其槩已

星野

商略曰漢書東井十六度至柳八度為鶉首東井據百  
川上流鶉首為秦蜀之墟得兩戒山河之首故謂商當  
鶉首之次唐天文志柳在鬼東又接漢源當商洛之陽  
南河上流而曰柳張主於華陽商洛之域僧一行論兩  
戒自岷山嶓冢負地脉之陽東及太華連商州熊耳上

續脩商志

卷一

十九

洛外方桐栢南逾江漢搗武當荆山至於衡陽乃東循  
嶺徼達東毆是為南紀又以東井居兩河之陰自河上  
流當地絡之西北鬼輿居兩河之陽自漢中東盡華陽  
鶉火相接當地絡之東南商洛南接荆鄖東達商鄧在  
函谷之西太華之東其星分與鬼為是括地志武關山  
為地門上應天齊星辰在未方屬庚辛大明清類天文  
分野之書柳星張在午自柳四度至張十四度屬周分  
三河河南許汝唐鄧隨光化號陝商洛信陽及新鄭之  
西偏皆周分也

舊志曰鶉首鶉火次舍異躔依據星經終非懸解但  
星野分於上河漢應於下商洛秦嶺以南之水滙入  
鄖襄走爲漢源與漢中城固洋縣漢陰石泉洵陽并  
府屬之藍田俱爲柳星張分野於鶉火爲長其并鬼  
分野秦分之北雍州之地也商州近於周分柳星張  
在午屬周參差同異詳在府志商略中今互存二圖  
以俟知者

疆域

商州東西六百一十里南北四百七十里治以內東至

續脩商志

卷一

二十

商南縣界一百九十里西至藍田縣界一百二十里南  
至山陽縣界九十里北至洛南界七十里出武關由商  
南至河南內鄉縣距五百里襄漢之路出牧護關由藍  
田至西安府距三百里關輔邊鎮之路由山陽至鎮安  
距二百里漢興蜀滇之路由山陽豐陽關至湖廣上津  
縣距三百五十里鄖陽之路由洛南至潼關距三百里  
京師九省通路東北三百里界於靈閩盧氏東四百里  
界于浙川鄖陽西北二百里界於華州華陰西南二百  
里界於藍田咸寧大抵山西之蒲解河南之虢略商隨

宛鄧湖廣之鄖房皆畛接壤連其觀盛京則二千九百里通江寧則二千六百里

形勝

內而屏倚金鳳襟帶丹流龍峰左蔽娥壁右閑且東溪西平楚乳荆泉諸水包絡互環高車天柱熊龜鷄菟諸山保障並峙外則東有武關之天險西有牧護之要區南有割嶺橫縣千里北有黃砂高踞千尋至于鄰邑之富水豐陽管峽函谷等關又可作商之重門外邪視古稱四塞信不誣云

續脩商志

卷一

二十一

舊志曰古稱秦關百二勢如建瓴商進長安實爲天險要地巴湘之舟楫邊鎮之輪蹄靡不迴溯上流接引鳥道絡繹如織竭蹶無停武關伏而楚懷不返寶嶢賂而軼道受降鵠嶺有僧道之關呂灣有庶康之蹟山峰削立以巘屹石壑懸崑而嶽欹嶺嘆資峪關名鬼門虎豹之吮血而磨牙麋麂之群聚而奔逐隘途沉滯惟物恫疑即使斬關之盜苦輜重之難煎鑄山之雄亦釜幕之僅假儻足食以足兵蕪在德而在險信爲四塞之雄求作上游之勝

附八景

龍山曉日 州東五里許有山聳拔其勢起伏趨丹江如龍飲水故曰龍山山之陽有東嶽廟南有關帝祠皆殿閣巍峩松杉森秀旁有二浮屠連山鼎峙依稀翠岳三峰也每當海日初昇旭光乍起朱霞暮螺頂儼竺釋之輩毫翠塔搏曦輪恍金莖之騰瑞虬螭影裏亂節來赤靄千團玻璃光中橫絢出紫氛萬派鳥向火爐飛舞人從金鏡趨踰凭城東眺真不啻入青齊登望海樓看溟渤之鳥飛島嶼之塵市者也

續脩商志

卷一

二二

虬背蒼寒位正東 暉騰賜谷旭曠 龍峰頭乍見朱輪轉水面初曛火鏡融 寶塔離迷沉紫霧琳宮煜燿

丹楓夙興好作賓 賓望疑是龍光射遠空

原生即牛紹先

熊耳晚霞

熊耳山州西五十里兩峰巒峙插漢凌霄

每羨馭西沉見霞光高映如洪爐方熾萬壑皆明又如蜀錦初張千巖俱麗騷人韻士臨風遠眺有天際真人之想

羲落虞淵度晚風 遙岑西望刺長空 蒼岷炫出千條紫翠壁拖來萬縷紅 錦幕佛頭光爛熳繡舍仙掌色



楸枰令人多土苴軒冕嘯傲林泉之意

寥落芳踪不可追空欽高塚認殘碑清風已逐秦人

遠勁節寧隨漢代移雨擊白楊愁鶴鶴草封黃土縱

狐狸惟餘擘擘山芝在時供幽人一療饑清舉人邵人李本定

仙娥削壁 城西北十里許自說瀆洞溯丹流入口兩

岸皆山獨南山怪石嶙峋於碧嶺蒼岑中忽起一巖曰

仙娥峰從橫百丈上下千尋如斧削錦屏刀分翠障丹

青班駁葦蘇明滅誠天然之圖畫也若掛曉煙凝晚暉

罨陰靄散晴光弄日月搏斗星吟好鳥飛野芳逐蒼狗

續脩商志

卷一

三四

越白衣瞬息之間而氣象萬千白樂天入商獨愛此山

而紀之以詩豈私好哉唐人名峰下水曰仙娥溪名溪

北驛曰仙娥驛皆本此意當時或有如劉阮所遇其人

者乎惜不詳其由來也

仙姬何日去山衙峭壁空晉人望賒幃幙千尋晴帶

雨芙蓉十里夜開花雲飛毛女芳鄰近月掛峨嵋勝

侶邀萬古詞人經此地溪邊誰不欲停車明進士邵人王如宗

丹水環城 州河曰丹水自治西北隅出灣環城南抵

東北隅復折而東南去矣其包絡州治既似縹緲之帶

復如當膺之神而且供萬家之挹注足千井之灌澆當  
其暖釋沍漸波光激灑金鱗游泳白鳥隱見泛桃浪之  
千曾儼錦江之澄澄至於祝融司命烈燄宏開裸而浴  
釣而隈乃霹靂之乍响欵沔沔之急摧排空濁浪怒吼  
奔雷窮河源而徙勞黃流其在茲哉若夫龜水方盛白  
露橫江沉壁靜影耀金浮光香稻夾岸紅蓼滿江鳥鳴  
沙渚漁唱滄浪疑洞庭之龜色恍彭蠡之寒麗陰三陰  
疑冰結路行適谿六花飛布十里銀畦山陰之興發  
灞上之思忽墜若是者或出郭而遙臨或登城而俯視  
續脩志 卷一 三五

四時之景色堪圖數曲之漣漪不厭雖險不礙於池  
而形亦居然其天塹

丹流滾滾遶西來一帶環經百雉隈風定水澄平似  
熨朝生浪激怒如摧光搖龜岍方南轉波撼鶴城至

北回最愛江天明月夜恍疑蜃市島中開

清原生都人李日棟

商山雪霽

州東八十里丹水之南四皓真隱處也

壑宵冥煙林森蔚四時望之無一不佳惟當六花飛舞  
冷林寒岑忽見晚日消則青螺搖黛如浴水芙蓉倍增  
鮮艷且下有怪松老梅蒼翠清芬直與茹芝高節並儼

歲寒路通武關多名賢以味斷碑燒碣猶有堪讀此  
十八福地洵商顏第一名勝也

皓隱真蹤只此山景逢雪晁更幽間千峰掩映分晴  
靄萬壑從橫捧霽顏梅塢迎曦香帶雨松崖刺白翠  
成斑風清猶似先生在杖履蕭疎自往還

明舉人郡人李東芳

秦嶺雲橫

秦嶺州西百里上建文公祠峰回路轉岩

壑清幽時有雲氣離迷層巒卷靄昌黎雲橫秦嶺之句  
洵非誣也且寒氣凜冽甚於他處每陰霾忽作輒雨雪  
霏激卽有鳥啼猿嘯谷應泉鳴耳可得聞目不可得而  
續脩志

卷一

二六

見也行人至此徘徊憑吊多家鄉迢遞之感

岩巽峻嶺鑱西京百里山深雲易生冥杳千峰天際  
合蒼茫萬壑望中平晴陰俱沒林巒麗上下惟聞風  
水聲豈但昌黎曾有句何人不起去鄉情

明知縣人高應

附十觀

武關勝塞

州東百八十里跨官道設關北接高山南

臨絕壑險阻之勢得之天成關西亦甚坦易出關而東  
曲折狹隘約十里與吊橋嶺主賓相望嘗見曉日當門  
暮烟橫帶千蹄絡繹驚月影以問晨征百雉崔嵬聞旂

聲而嚴夜令洵秦楚咽喉之重地商於形勝之要區也  
東來勝地鎖商顏險阻天成夾道間右俯壑深濼一  
水左看壁立聳千山鷄鳴客渡晨光動柝起風清夜  
色閒嶺上行人回首處蒼烟翠靄擁嚴關清商令梁溪鄒其鑣  
仙子神湫 州西百十里許由官道北湘子洞碑處入  
山十里樵徑紆回肩輿難度至斗牛宮無甚奇峻越十  
數武懸岩陡削攀藤而上至湘子洞深五六丈石紋斑  
駁壁彩陸離似蓮花寶蓋有滴水垂珠禱者以瓶盛之  
得一二點卽雨洞後穴窻自明其中寒濕栗冽窈窕幽

續脩商志

卷一

二十七

邃凜乎其不可留也再陟其上有雷神洞絕頂有玉皇  
洞皆有水禱雨靈應亦如之面俯諸峰有圓如日半如  
月者名日月崖又有火燄山崩岩劈裂如燄起燒空奇  
觀萬狀此虎豹窟穴人蹟罕到雖有濟勝之具亦竭蹶  
無從矣明時華山道士常編籬住此後化去詳雜傳志  
十里幽巖古洞天奇形磊落勢巋然火山亂劈凌空  
焰神澤層零救劫泉宮署斗牛藤徑側崖懸日月石  
門前四時風冷人踪杳爲憶編籬羽化仙明教授郡人李枝棟  
秀閣書聲 係文昌祠坐城北金鳳山負峰偃麓簞簞

憑高林木叢陰中峻閣宏敞四望千山湧翠一帶橫巖  
真勝遊佳境也負笈尋幽者常肄習其上唔呶响答聲  
澈雲端如聽鈞天仙韶使人塵念頓清旁有水名文泉  
值大比以泉盛占科甲若操左券地靈人傑洵非偶矣

傑閣崔嵬半切雲高翻靈簡絕埃氛唔呶響自天邊

落咕嗶音從樹杪聞迤檻河山皆錦繡當蒼星斗盡

詞文談經夜夜藜光耀秀出商顏玉一羣

清教諭郡人牛維晃

靈岳松舞 州西四十里田麻澗鎮躋坂南上十里許

有飛石嵌空大可覆數百人中位大悲觀音像因名大

續脩商志 卷一 二十八

悲岩岩後水自石出曰白龍泉禱雨輒應亦名靈岩檻

外卽臨絕壑壑南峰巒突起名香爐山右側建毘盧高

閣上出重霄下凭遠岫周圍白松以千計獨岩之上下

左右奇形怪狀霜皮斑駁如白龍然枝舞空中攫拿雲

日根蟠石上蜿蜒林阿至于懸岩數株又酷似渴虬瞰

澗爪牙俱動憇息之餘松濤泉響聳根爲之一清

飛岳欲墜嵌天峰冉冉綠雲點怪松瞰澗渾如吸水

蟠迎賜一似攫珠龍泉分蠖蒂神湫冷石引霜文爽

氣濃時伴金仙濤韵羨寶花野鶴擬相從

明廩生郡人周仲

溪岸桃花

州西仙娥溪之南岼遠西山一灣南北約

五七里曠土平疇桃林柳比時當梅芳告歇杏錦初妝  
一片紅霞艷鮮鮮而奪目半川赤蕊香馥馥以襲人色  
蘸春谿似仙娥之含羞態光搖古塚如秦皓之帶酖容  
參差茅屋點花藂堪作陵源圖畫歲稔桃英簾蘭早足  
當廬嶺追尋况乎飛花送酒好鳥催詩夙稱佳地是以  
冠蓋携壺風騷橐筆競續盛游嗚呼自李唐來人風幾  
換而桃花猶然真足以驕平泉傲金谷矣

倚岼花明萬樹紅壺樽兩兩挹芳叢  
照來赤帝珊瑚

續脩商志

卷一

三九

室誤入朱皇瑤珀宮錦浪層翻堤柳外丹霞橫抹野  
煙中年年溪口人如織爭道仙源路已通

清拔貞白河柴懋耀

龍潭瀑布

州東百里龍駒寨東河為湧峪河水亦入

丹江遡流不三里兩峰對峙一水飛空直下為瀑布山  
腰稍渚復出為瀑布有八許落盤山青石上浪花翻白  
如結雪然石下湓洄澄澈是為龍潭潭中有巨石連岼  
危步臨之水聲震耳潭影空心真奇觀也土人傳羸二  
世時楚兵入秦潭中出龍駒馬項羽得之名烏騅故鎮  
稱龍駒寨

依山傍石悚迴瀾壁斷河源天上看登削危峰紫日  
冷嶙峋險硤咍風寒飛濤疊挂水簾直驚浪層噴雪  
蓋圍神駿何年騰此水蕩搖猶似起泥蟠清廩生郡人李庚如  
曇花勝地 曇花庵坐州東七十里棗花舖之南山渡  
丹江循鳥道里許抵東陽洞側盤折而上約數百丈趨  
峰逐壑位置佛宇樓閣亭台浮屠方丈無一不具有清  
幽致早夜間旃檀之氣上薄雲煙梵唄之音遠鳴山谷  
且蘭蕙滿山異香覆院松杉翳日風韵怡人居然一蘭  
若名叢也郡人牛維晃有專志

續脩商志

卷一

三十一

緝宮高據楚山阿江水新鈎帶一拖明月還來留覺  
界浮雲曾不挂松蘿空山蘭馥襲征夢午夜鐘聲渡

晚舸誰使黃塵騰野馬曇華日日自婆娑

清庠生郡人田鍾璽

水月洞天

在龜山之陽由東麓盤曲而上去地約千

尺餘石壁有洞縱不過十笏橫亦如之有水自後壁津

津出 國初有衲子卓錫于此依壁爲池受水水中位

觀音大士池外架以木板去地

尺許

池水下瀉板底淙淙

有聲穿闕而出飛珠濺雪如銀繩下汲因名水月洞門  
外一樓架空懸岩南向虛殿不置扇朝嵐暮靄金

玉兔柏塞而入乳水拂其間楚溪朝其戶烟村隱見牧  
笛往來晴霽禽魚忽飛忽躍陰霾箕筮乍有乍無而且  
平眺南山千峰排黛勢同星拱誠佳境也

洞裏源泉作瀑流下招乳水載危樓千層楚岫參差  
入十里秦川隱見妝杳靄依鐘敲不破野烟掠鼎篆  
還留人隨勝地分今古檻外溪光日夜浮

清恩貢郡人李挺垣

鷄冠挿漢 鷄冠山爲龍駒寨主山形勢嶙峋如鷄冠  
狀故名蓋山多亂峰大小不一皆有巉削聳拔之致又  
如摩空獨立昂首欲鳴每日暄雨洗但覺紫霞浮頂蒼

續脩商志

卷一

三十一

靄橫腮竒哉大觀也上有六小洞并千佛洞星分基布  
曲磴危巒耐入板躋下臨紫陽宮乃張平叔脩煉之所  
兼俯龍駒巨鎮千蹄百艘觀覽無遺故登眺其上嘗徘徊  
不忍去云

雄峰峭削號鷄冠勝概天成畫裡看影綴雲烟撐百  
壁勢凌霄漢聳千巒蹊分佛洞蒼岩襯頂壓仙宮紫  
氣團入夜猶疑山報曉依稀聲帶曙光寒

清撫治督亢張國泰

龍涎吐珠 州東北四十里由十九河溯流而上有山  
嵯峨下窵一洞方廣約五六丈中有天成石龍十數頭

故名石龍洞其鱗角爪牙宛然出自人工有伏而寢者有偃而舒者有俯而飲者有仰而吸者有闕者有舞者有盤曲似螭者獨一龍昂首欲飛口中有液下滴成小湫與洞石響應補然似磬玉聲洞門窄小僅可容人烟幃雲幔朝暮不散每禱雨以瓶接領下視人誠否誠則得滴其瓶卽滿行不二三里輒大風雷雨否則終日不獲一滴噫幽異之處有神物焉此顛是也

石龍十數洞虛中光怪屈伸互異同刻肖鱗文渾造化神奇生躍自天工噴珠波毖千林靄澍雨湫傳萬

續脩商志

卷一

三十一

國豐不比葉公稱畫象呼吸雲霧起長風

清教諭郡人牛維晃

山川

山 金鳳山北里許州之圭山來脉結穴于此西分一支二里許曰鳳凰原上有臥牛台邵堯夫章子厚辨牡丹于此牛氏卜居其下門多圭宦

大雲山西北十五里巔巔云戴雲峰以欲雨先雲得名州之鎮也俗呼棚刀山上有玄帝廟烟樹杳茫望之如畫三月三日大會

高車山西南三里漢惠帝以駟馬高車迎四皓於此故

名兩峰如駝亦曰駝峰俗名雙奶山土中常得矢鏃族  
古屯兵處

文筆山舊名文屏山南二里正對學宮撫治紫溪蘇公  
命知州張公極建三塔以象三能改今名學宮地舊堯  
檀南望城環一帶筆插三峰誠文峰之勝概也恤部奏  
公魯大加賞美云

三台山西連文筆山正對鎮遠門其形如龜亦曰龜山  
詳八景

龍山東五里山自北來落脉於丹水之岬詳八景

續脩商志

卷一

三十三

東巖山東北里許有大小趙峪峪行七八里有山曰東  
巖對仙娥溪北之西巖而名有水曰東溪李白寓商時  
幽居之所題咏勒藝文志

爬樓山連龍山東五里最高為城東蔽其形分辦故名  
旁有水曰蓮花池

觀音山東七里石岬中有洞

困石山東北十五里形盤曲如困岩阿溪邃意前人曠  
逸之地

中阜山在困室山之北羣山環抱俗名北山

燕子山東五十里襄王溝內山上有龕高百丈兩山相合而成上戴懸崖下臨深壑土人傍山鑿礮轉曲而入避兵於內約六十餘家每值雨水從中出鑿石井以貯之不可勝用龕後而岔若雙尾然又玄鳥冬多蟄此故名

鵬崖山燕子龕迤南百餘步兩山壁立高數百仞相去丈許土人相其南山鑿石爲路路絕處懸梯以躋復橫木設板凌空而行約百丈得岩可容五十戶避兵其上賊不敢仰視

續脩商志

卷一

三十四

五峰山東北七十里宋楊文廣征南屯兵於此棗花山東七十里以地多棗花得名出蘭草

朝陽山東七十五里俗名兩嶺子

商山東八十里以山形如商字得名一日地肺山四皓隱處以其有避世之智又名智亭山亦名楚山舊祠廢真塚存餘詳八景

伯牙山東百里山聳拔徑紆折俗呼白鴉山頂有玄帝祠古木森羅蒼苔堆積樵子刈薪其上嘗於風起雲湧時隱隱聞絃絃聲覓之不得崇禎初好事者陟其嶺得

斷碣於敗葉中上鑄伯牙二字大如斗意牙常游觀至  
止故琴韻鏗然迄今未絕昔人因以地爲人重而志其  
名歟郡人李庚如有詩勒藝文志

鷄冠山東百里係龍駒寨主山詳十觀

菟和山東百一十里卽資峪嶺

武關山東百八十里少習之墟山道阨險係入秦小路

有巡檢司詳十觀

孤山東北九十里商南連界

白陽山東南二百九十里再南爲石巖岩與商南呂灣

續脩商志

卷一

連界三國廉康所據爲避兵地夙稱天險

娥眉山南一里

丹崖山在丹水之南山悉赤壁霞舉若紅雲秀芙二岫

更爲奇觀

鷄籠山東南三里古寨地今猶稱鷄籠寨

天柱山南五里邵康節最愛此山因僑寓卜居于此

楚山乳水之南山皆曰楚山自劉峪口以下丹水之南

山亦皆曰楚山

安武山西南五十里其水南流地多美松



馬鞍山北三十里形如馬鞍故名去地百餘丈小徑行折頂建佛殿栢陰蒼鬱溪水滌環前小祠一間下臨絕巘危勢欲落孤松蟠屈如簾清初有住持僧壽逾百歲好事者拾級登謁如陟鷲嶺晤西方長者

文昌山北六十里在泉村鎮東北有文昌祠周圍喬松以數千計下出石炭舊時亦有冶磁器者

二義山北六十里在泉村鎮西北上有關趙祠係明時巨寨

泉山在泉村集之右其下多佳泉詳水部

續脩商志

卷一

三十七

玄武山西北六十里大荆集西古栢峻閣一方之勝上巳大會

扶斗山北七十里在大黃川峭拔孤高有三官龍王土地諸祠

馬脚山北百里一名小華山石山壁立四面如削巖其下嵌餘一穴上出約七八丈仰視天先如星石工鑿穴而壁約以木攀援而上出穴口形如二郎冠前面平台圓徑百步上面兩峰並峙峽中有細水下瀉望之如銀線惜旱則無之松栢榭栗掩藹其上足資薪燎一人守

雖百萬衆不敢仰瞰誠天設之奇險也

**嶺** 江流嶺東百里龍駒寨客貨適洛南多由之

資峪嶺東百十里卽菟和山

長岡嶺東百三十里山陽商南連界

新開嶺東百六十里武關之西障

鐵洞嶺東北百八十里洛南盧氏界山多出鐵

吊橋嶺東百八十里嶺上商洛分界俗呼第一條嶺其  
關之東障

南秦嶺南二里過此則爲南秦川

商南志

卷一

三十八

嶺南三十里卽樓山 竹竿嶺南三十里其勢峻削

土地嶺西南二十里東有毘盧殿西有天妃祠相去十

里 軍嶺西南四十里當道橫欄相傳秦王屯軍處其

地名秦王城有秦王廟 鷓鴣嶺西五里

木瓜嶺西比五十里

秦嶺西百里雲林蒼莽景物淒清異于他所韓昌黎南  
遷經此嶺上有詞詳八景并典禮志

黃沙嶺北二十里入都通衢石徑蜿蜒陟其岡澗可數  
畝跨道建樓上祠玄帝左有三官殿右有關帝祠行旅

肩星輅接軫行人憇此啜義漿止渴見層巒拱翠碧澗噴珠飄然有壺外玄想

紅土嶺北七十里出紅土可飾丹堊

黃土嶺七十里 輞嶺北八十里出華州道

藥子嶺北八十里洛南分界真人韋謏俊種藥處

嶺 趙嶺東北三里 蒲嶺東四十里 澇嶺東五十

里 恨嶺東五十里 老君嶺東七十里 相傳老子騎牛過此

大嶺東八十里 洛嶺東九十里 背嶺東九十里

湧嶺東百里 資嶺東百一十里 鐵嶺東百五十里

續脩商志 卷一 三十九

相傳老子由鐵洞嶺至此冶鐵今坑冶之迹猶存

亢嶺有大亢小亢二嶺 劉嶺南五里 小劉嶺八里

多花卉 馬蘭嶺西南五里 五嶺西南二十里麥草

熟半月 羊嶺西南三十里 石倒嶺西南六十里

美木 赤水嶺西南六十里多松 構嶺西五里

省避河道 野人嶺西三十里秦人避亂之所唐書

景道隱處故改名仙人溝 曷嶺西三十五里通磁甯

泥嶺西六十里 黑龍嶺西九十里出藍田小路漢高

入關至此分二路一由藍橋一由此 肱膊嶺北三里

紫峪北七十里 韓峪西北八十里 有大小二峪 韓  
峪北九十里 適華州道

溝 東銀廠溝 蒲由溝 原科溝 琴池溝 蝟坡

溝 打熊溝 廟溝 南計家溝 時家溝 流嶺溝

冷水溝 太平溝 麻池溝 解板溝 蒿坪溝

椒厚溝 西仙人溝 乾溝 倒插溝 白溝 汪溝

蒲岔溝 北香溝 老席溝 石槽溝 閻家溝

胡家溝 韓家溝

岔 南媳婦岔 竹竿岔 黃栢岔 霧佑岔 北香

續脩商志 卷一 四十

子岔 桃岔

洞 菩薩洞在觀音山樓閣凌霄水泉甘美清明大會

諸天洞在洛原銅佛龕怪石壁立勺水不注洞去地十

餘丈中有水清甘可飲內有銅佛三尊係從山陽天竺

山木葉中移來者仰窺飛岩俯臨丹水避暑其中別一

境界舊列十觀

羅漢洞在孝爺岩丹岩壁立高數十丈下臨丹水明末

土人從傍鑿棧道避兵其中左右亦有數小洞

東賜洞在棗花詳十觀 千佛洞七星洞並在鷄冠山

詳十觀 紅崖洞在資峪舖 水月洞在三台山

觀 千佛洞在水月洞之右 說法洞在仙娥峰下可

容十數人古傳西來祖師說瀆於中故名辟五鬼竊

故旁有五鬼窰至今山水响震獨至此處無聲亦是一

也 朝陽洞 玉皇洞 雷神洞並在秦嶺之後

觀 霍家洞西北二十里由胭脂關北三里許河

一山突起西向竅一穴內有穿深丈餘用浮板逾

裡寬若數間屋中有兩岔石徑寬不盈尺蟹行百步餘

一穴端下以木梯度之左右前後千門萬戶岩阿可棲

卷之四

四二

數十百處最下穴以石為門但不利磁器

西北隅宜穴人謂之後門云明末土人避兵其中

火薰之烟從蒲山出不能為害

石龍洞在十九河詳十觀 戴雲洞在棚刀山後避兵

之所 構峪洞在構峪避兵之所 白龍洞在紅崖

山中口大如瓮燃燭而進膝行聖許有石室一小

壁手大一池禱雨靈應異常其山也亦膝行創祀

雖盛暑其冷如冬非旱極不敢入

附採樵之山 北由黃沙嶺 南由小泥峪白楊

水 商略商州江河之交秦嶺西水入于河東水入於江熊耳山北水入于河南水入于江青池山南水入于江東水入於河

丹水卽州河亦名丹江源出息邪澗今秦嶺昌黎祠下舊稱竹山以山多竹故也卽秦嶺第九山呂氏云沛公圍宛至丹水李秀卿次第天下名水二十種以武關西水爲第十五種卽丹水也其中出丹魚得者多壽故名東南入漢江

乳水南五里源出秦望山色似乳故名經南秦川至三續脩商志

卷一

四十三

台山東與丹水合

五峪河西南二十里北自任家坡西至土地嶺合入乳水 上秦川水西南三十里上從白石山來下由土地嶺南入全家灣至七渡河入乳水

七渡河西南二十里卽乳水自南秦川黃龍廟口至土地門過七次故名 軍嶺川水西南三十里東流合乳水黃柏岔水西南四十里自安溝嶺來至秦望山合乳水牛槽川水西南八十里有東西兩牛槽西牛槽嶺北水入石倒峪南入金井河東牛槽嶺北入赤水峪南入金

井河 楚水正南五里從楚山來故名入乳水

沅峪水正南二十里自流嶺南石底而下爲大流峪寬坪舖以下水亦從沅峪口出合丹水

沅嶺南水安武黑山桐峪寫川四水皆入山陽

東溪水東北五里詳山部 張峪河東十五里

亢峪河東二十里有大小二亢 張村河東三十里北有小石門水從中穿其下五里曰池河灣

曰楊河卽東下頭渡河東四十里北有大石門

大張家河東四十里北山破夫嶺古峰寺分流

續脩商志

卷一

四十三

會峪河東四十五里合丹水于洛源之東通洛南可作行兵間道 洛源河此二渡河東五十里

龍潭水東南五十里一名仰天池在白楊店南潁河水

寺間山水澄清南通山陽 澇峪河東五十五里嶺上

分北入州河西過君子澗東通馬鹿坪並入山陽

高橋河東六十里此三渡河

地花河東七十里此四渡河

根峪河東八十里嶺水一分洛南一分州河

老君河東八十里引灌稻田七八頃隔三里爲金盆灣

水田膏沃 大峪河東九十里通洛峪水在商洛鎮南  
洛峪河東南一百里孝爺岬東南自白草嶺越劉嶺會  
諸水出此峪 龍駒寨河東一百里襄漢舟集大會于此  
其南爲百頃灣 湧峪河在龍駒寨東水亦入丹江  
月兒潭東百一十五里水圓似月水心舊有巨石撫治  
陳公蕭公督徵興工去石以通舟楫未果萬曆四十六  
年六月六日丹水漲沙擁潭平舟往攸利唐崔湜謂可  
通輓卽此 鹿池水隔月兒潭三里相傳昔有白鹿每  
於此飲水見人化去 鉄洞嶺東北二十里出青池山  
續脩商志

卷一

四十四

東一分入洛南一分入資峪舖下十里入丹水

背峪水自鉄峪舖南寫延五十里至周家岬合丹水

武關河東百八十里至商南畢家灣入丹水

構峪河西八里入州河

仙娥溪西十里一名西巖溪卽丹水在仙娥峰下水南

桃園數里亦曰桃花溪唐李白白居易宋王禹偁裴大

亮曾泛舟於此各有詩今砂擁水淺風景廢失而桃林

如故 麻澗河西四十里卽丹水

泥峪河西五十五里與蒲岔溝水相合入丹水

大商原河七十里卽丹水

洪門河西七十五里洛南越省出此口水自韓崐川來入州河 黑龍峪水西八十里出藍田間道水入州河 牧護關水西百二十里發源於秦嶺西流出藍田卽灞水之源也 十九河北二十五里自洛南松朶山銀廠溝來至黃砂嶺入荆泉二水有新舊水利灌田 荆水州北大荆川西荆川皆荆水也至上板橋會泉水 由水道河出合丹水州西二十里舊有永濟橋跨荆水 今廢 小樨岔河北三十里自下板橋入荆水

續脩商志

卷一

四十五

樨岔河北三十五里自萬家山來至馬鞍寺入荆水 岔口河自藥子嶺閻家店諸水至岔口舖合泉水 泉水北七十里自泉村集土田平曠人多耕讀其水自集北馬角輞峪兩處而來至上板橋會荆水由水道河出入州河 大黃川河小黃川河紫峪河三水合而爲一至娘娘廟入泉水

附河渠

商顏渠按舊志漢武帝元光中以莊能窳言發卒萬餘穿渠自徵引洛水至商顏下岍善崩乃鑿井深四十餘丈往往爲井通水井渠之興自此始未詳又

唐高祖武德七年同州治中雲得臣開渠自商顏引水  
溉田六十餘頃亦未詳

渠碑唐中宗時建高三尺隸書舊在西巖寺今無存山  
額尚有渠蹟近人沿河一帶但隨地高下脩治水田漕  
河今廢其碑明弘治中猶存其半至今烏有

普濟渠州北舊引黃沙嶺水合大雲山少峪西平二泉  
爲磚渠通入城市歲久湮沒正德間撫治蘇公復濬入  
城以達分司州治人言爲玩好則可無利于民且微而  
難繼後亦廢舊有碑今無存

山泉渠舊灌田三十七頃四十畝六分零明初新修泉  
渠陵谷變遷人無遺力地無餘利州河之支委潤之源  
春夏蓄水砂石障流開墾田一千九百六十五頃二十  
七畝七分零遇大旱多涸

附井泉

五龍泉西關龍王祠前泉水湧出其味清甘

撫治許公宸以爲與江南惠泉相伯仲撫治張公道湜  
禱雨有應立碑於前名曰甘雨泉頌勒藝文志

學前第一泉卽文廟前官井味甘水旺汲之者多秀氣  
所鍾易今名 泮池泉其水大旱不涸

慈泉在大雲寺南孤老院巷街東張鄉官苑內其水最旺沿街流灌城外味極甘美州人多用之

花園泉城內西南隅其水糞涌晝夜流洩郡人牛進士因脩爲園圍養魚種蓮游釣其中又鑿渠由東而南出水門入州河且滋耕種 郝家泉城東一里小名南家

店可時園蔬一項 文泉在起秀閣前

西平泉在起秀閣西 少峪泉在起秀閣東

石佛灣泉在城東姚家塢可時園蔬一項

壽泉州南十里在南石底官路旁白樂天有詩

續修周志

卷一

四十七

武婆泉在爬樓山下飲地五六畝

馬跑泉在黃沙嶺上 龍泉觀井在棣花鎮

泉山泉在泉村集集之西山曰泉山自首迄尾計二十

餘處其最佳者三一在上寺之西麓一在玉皇廟後一

在下寺之左寇家村此泉尤奇山足石上一窠天成約

容三四斗四周無隙而水常滿雖大旱不涸供一村之

用餘尤瀉注大河且味甘美權之重于他水泉村之得

名以此土人習而不察李曰棟聞名物色得之有詩勸

藝文志 魚宮潭倍訛爲魚姑台西北去泉村二十里

曰乾溝嶺北有山曰揚十萬山山下一穴大如斗有泉  
出灌大河每穀雨時有魚出焉百千萬頭擁擠而行山  
上石無大小悉有異態間有怪石色似太湖又有聲清  
越者似靈璧但不可多得李曰棟尋幽至此得佳石作  
山石行

續曰商雖彈丸之區千嶺屏障萬谿襟帶壤蕪水旱  
風茂耕桑旣號沃壤又稱福地諒哉但空谷荒巖實  
綠林嘯聚之所恃地利而忽人和豈爲得計觀明季  
之變而可鑒已寧遠懲於斬關之雉雞鳴之客哉同  
續脩商志

卷一

四六

讐之義我民不可不素講也若夫保障之略則恃右  
神君在